

ter eminet constitutio de pace conservanda. i)

92. Etiam alia tamen, admodum licet pauca, & Friderici hujus & Henrici VI. ut & Ottonis IV. cum alibi leguntur, tum in libros Juris Saxonici, & Svevici, nec non Magdeburgensis Weichbildici transierunt. l)

93. In universum ergo judicia Germaniae usque ad XIII Seculum à Carolinorum temporibus non ex scripto, sed ex receptis moribus ex bono & æquo sententias pronuntiarunt. Vere enim illæ veteres Carolinæ leges & capitularia manibus hominum diu exciderant, à Regibus autem subsecutis & Principibus vix quicquam circa leges renovatum memoratur, scriptas aliquas esse, neque memoratur neque ex aliis indiciis intelligitur. m )

94. Etsi etiam Carolina illa vetera instituta manserint in populi manibus, pleraque tamen tantum ex consuetudine & æquo & bono necesse erat definire in illa scriptarum legum paucitate & emergentium negotiorum multitudine, à prisca vivendi simplicitate multum jam degenera-

i) Id. ibid. l) Id. ibid. m) Id. ibid. p. 151.